

浮山縣志卷之二


星野

星分九野疆分九州故九野之星各有所主之地以占  
驗其休祥浮山昔為冀州地於星應屬觜參觜參雖不  
盡於浮山而浮山實觜參分也觀象修省君子無旁委  
焉志星野

浮山縣志

卷之二 星野

觜宿圖



丹元子步天歌

三星相近作參藥觜土座旗直指天尊卑之位九相連  
司怪曲立坐旂邊四鴟大近井鉞前

躔度

宋兩朝天文志觜三星距西南星去極八十二度半  
座旗九星距南星去極六十一度半入參宿八度 司  
怪四星距西星去極七十一度入參宿六度半

占候

浮山縣志

卷之二 星野

二

觜二度在參之右角如鼎足形主天之關明大則天下  
安五穀熟隋志云觜觶爲三軍之候行軍之藏府主葆  
旅收斂萬物明則軍儲盈將得勢勳而明葆旅起張衡  
云葆旅野生之可食者坐旗九星在司怪西北主別君  
臣尊卑之位明則國有禮司怪四星在井鉞前候天地  
日月星辰禽獸草木之變與天高占同

唐志觜二度

唐志舊經觜觶八十四度開元測觜觶八十二度

宋志觜觿漢永元銅儀唐開元游儀皆以觜觿爲三  
度舊去極八十四度景祐測驗觜宿三星一度距西  
南星去極八十四度在赤道內七度

步天歌坐旗司怪俱屬觜宿武密書及乾象新書皆  
屬於參

金志赤道宿度觜半度黃道宿度觜半度

漢洛下閎測觜二度 唐一行測觜一度 宋皇祐

測觜二度 元豐測觜二度 崇寧測觜半度 元

浮山縣志

卷之二

星野

三

郭守敬測觜五分


李淳風法象志觜觿參伐皆直天關表而在河陰故  
實沈下流得大梁距河稍遠涉陰亦深

漢志歲星六月出石氏在觜觿參

晉志觜參魏益州

洛書甄耀度西方白虎觜參爲虎首故有觜之義

參宿圖



丹元子步天歌

總有三星觜相侵兩肩雙足三為心伐有三星足裏深  
 玉井四星右足陰屏星兩扇井南襟軍井四星屏上吟  
 左足下四天廁臨廁下一物天屎沉

躔度

宋兩朝天文志參十星距中星西第一星去極九十二  
 度半 玉井四星距西北星去極九十八度少入畢宿  
 十一度半 天屏二星距南星去極一百一十五度入

畢宿十三度半 軍井四星距西南星去極一百五度  
半入畢宿十四度 天廁四星距西北星去極一百一  
十八度半入參宿二度 尿一星去極一百一十五度  
入參宿三度半

占候

參十度上爲五星日月中道甘氏曰參爲忠良孝謹之  
子明大則臣忠于孝安吉一曰參伐一曰大辰一曰天  
市一曰鈇鉞又爲天獄又主權衡所以平理也又主邊

浮山縣志

卷之二

星野

五

城爲九譯故不欲其動也參白虎之體其中三星橫列  
三將也東北曰左肩主左將西北曰右肩主右將東南  
曰左足主後將軍西南曰右足主偏將軍故黃帝占參  
應七將中央三小星曰伐天之都尉也主胡鮮卑戎翟  
之國故不欲明又曰七將皆明天下兵精也玉井四星  
在參西右下水象也屏二星在玉井南屏爲屏風玉井  
東西四星曰軍井行軍之井也軍井未達將不言渴名  
取此也又曰主軍營之事天廁四星在屏東潤也天尿

一星在厠南色黃則吉

唐志參九度

唐志舊經參九十四度開元測參九十三度

宋志參宿漢永元銅儀參八度舊去極九十四度景

祐測驗參宿十星十度右足入畢十三度

步天歌玉井軍井厠各四星屏二星天屎一星俱屬

參宿晉志玉井在參左足武密書屬觜乾象新書屬

畢軍井晉志在玉井南武密亦屬觜乾象新書亦屬

浮山縣志

卷之二

星野

六

畢唐開元游儀在玉井東南屏厠天屎晉志皆不載

隋志屏在玉井南開元游儀在觜隋志厠在屏東屎

在厠南乾象新書皆屬參與步天歌互有不合

金志赤道宿度參十度半黃道宿度參九度太 漢

洛下閎測參九度 唐一行測參十度 宋皇祐測

參九度 元豐測參九度 崇寧測參十度半 元

郭守敬測參十一度一十分

左傳昭公元年子產曰后帝遷實沈于大夏主參

杜註

后帝堯也大又曰當武王邑姜方震太叔夢帝謂已  
夏今晉陽縣

余命而子曰虞將與之唐屬諸參而蕃育其子孫及

生有文在其手曰虞遂以命之及成王滅唐而封太

叔焉故參為晉星由是觀之則實沈參神也  
杜註叔虞封唐

是為晉侯

國語董因對晉公曰歲在大梁將集天行元年始受

實沈之星也實沈之虛晉人是居所以興也以辰出

而以參入皆晉祥也

浮山縣志 卷之二 星野

漢天文志晉之疆候辰星占參伐

漢志歲星四月出太初在參伐

漢志歲星六月出甘氏在參伐

馬融上日食封事參居兌位屬西方其為分野并州

是也

漢五行志劉歆言傳曰時有毛虫之孽參虎星故為

毛虫

北斗圖



浮山縣志 卷之二 星野

丹元子步天歌

北斗之星七星明第一主帝為樞星第二第三璇璣是第四名權第五衡開陽搖光六七名紫宮之次是諸星

躔度

北斗七星天樞去極二十三度半八張宿十度搖光去極三十五度八角星九度

占候

北斗七星在太微北為人君之象號令之主又為帝車



取乎運動之義也又魁第一星曰天樞二曰璇三曰璣四曰權五曰玉衡六曰開陽七曰搖光一至四為魁五至七為杓樞為天璇為地璣為人權為時玉衡為音開陽為律搖光為星石氏云第一曰正星主陽德二曰法星三曰令星四曰伐星五曰殺星六曰危星七曰部星亦曰應星又云一主天二主地三主火四主水五主土六主木七主金又曰一主秦二主楚三主梁四主吳五主趙六主燕七主齊

浮山縣志 卷之二 星野

天市垣圖



丹元子步天歌

下元一宮名天市兩扇垣墻二十二當門六角黑市樓  
門左兩黃是車肆兩個宗正四宗人宗星一雙亦依次  
帛度兩星屠肆前侯星還在帝座邊帝座二星常光明  
四個微老宦者星以次兩星名列肆斗斛帝前依其次  
斗是五星斛是四

躔度

東垣南第一星宋去極一百五度半入危宿七度西垣  
南第一星韓去極九十八度半入心宿五度

浮山縣志

卷之二

星野

十

宋天文志云天垣星在房心東北下照二十二處其東  
垣十一星第八星曰中山第十星曰趙第十一星曰魏  
其西垣十一星第一星曰韓第九星曰晉蓋象天王在  
上諸侯朝王王出臯門大會東方諸侯在應門右西方  
諸侯在應門左也

占候

天市垣二十二星在房心東北主權衡主聚眾一曰天

旗庭市中星衆潤澤則歲實市樓六星在市中臨箕星之上主司闡闡明則吉隋志市樓者市府也主市價律度其陽爲金錢其陰爲珠玉變見各以所主占之車肆二星在天市垣南門之內主車駕隋志主衆賈之區宗正二星在帝座東主宗大夫忠明則宗室有秩宗人四星在宗正東主錄親疎享祀如綺而明正族人有序宗星二星在宗人東北侯星之東宗室之象帛度二星在宗室星東北主度量明則尺量平商人不欺屠肆二星

在帛度東北主烹宰侯一星在帝座東北主伺陰陽也細微則國安居常則吉帝座一星在天市中侯星西天庭也光而潤則天子吉威令行一日神農所居宦者四星在帝座西南帝旁之闈人也星微則吉其占與勢星同列肆二星在斛西北主寶玉之貨斗五星在宦者西南主平量覆則歲熟明暗與帛度同斛四星在市樓北亦曰天斛主量者也占與斗同

帝皇世紀云自畢十二度至東井十五度實沈之次爲

晉魏分野漢志云魏地觜參之分野州郡躔次云河東  
入張一度唐志云河東道古冀州之域爲實沈大梁之

分見舊  
志

浮山縣志

卷之二 星野

七